

هدیه اتا بیوه زن فقیر

۲۱ عیسی دور ور ره اِشا و سرمایه دارها ره دیه که شه هدیه ره درون صندوق بیت‌المال معبد^۱ دم دانه. ۲ در اون میون اتا بیوه زن فقیر ره هِم بدیهه که دتا سکه ناچیز صندوق دلِه دمبدا. ۳ عیسی بائوته: راستی شما ره گامبه که این بیوه‌زن فقیر از تموم اونا ویشتر هادا. ۴ اینسه که اونا همگی از زیادی شه دارایی هادانه اما این زنا در تنگدستی خودش تموم شه دارایی ره هادا.

نشونه‌های پایان زمون حاضر

۵ وقتی شاگردون درباره معبد صحبت کاردنه که چجوری با سنگهای زیبا و هدایای وقف بیه چنده قشنگ هسته، عیسی ویشونه بائوته: ۶ زمانی انه که از اونچه اینجه وینی سنگی بر سنگ دیگه نمونده بلکه همه خراب وونه.

۷ بپورسینه: «ای اِستا اینا کی اتفاق کفنه و نشانه نزدیک بیین وقوع اون چیشیه؟» ۸ جواب هدا: «به‌هوش بوشین که گمراه نووین: اینسه که خله‌ها به نام مین انه و گانه: (مین مسیح هستمه) و (زمان موعود برسه). از اونا پیروی نکانین.

۹ «و وقتی خور جنگها و آشوبها ره اِشانانی نترسین. اینسه که باید اول اینجوری اتفاق دکفه اما پایان کار بلافاصله نرسینه.» ۱۰ بعد ویشونه بائوته: «قومی بر قومی دیگه و حکومتی بر حکومتی دیگه راست وونه. ۱۱ همه جا زلزله و قحطی و طاعون انه و اتفاق خله بدی روی دنه نشونه‌های عجیب از آسمون ظاهر وونه.

۱۲ اما پیش از اینا شما ره گرفتار کانه و اذیت کانه و شما ره تحویل رهبرون مذهبی دنه و به‌خاطر پیروی از مین، شما ره پادشاهون و حاکمون پلی ورنه تا شمیسته حکم بورینند تا شماره زندانی هاکانند ۱۳ و اینجوری فرصت پدا کانی تا مه خوری ویشونجه صحبت هاکانین. ۱۴ شه عزم ره جزم هاکانین، پیش پیش نغرون نووشین که چه جوری شه جه دفاع هاکانین. ۱۵ اینسه که شما ره کلام و حکمت دمبه که هیچ کدوم از شیمه دشمنون نتونند مقاومت یا مخالفت هاکانند. ۱۶ حتی شیمه پی‌پر و مارون و شیمه برارون و فامیلها و شیمه رفقون شما ره تسلیم دشمن کانه و اونا بعضی از شما ره کاشینه. ۱۷ مردم همه به‌خاطر مه اسم شیمه جه نفرت پدا کانه. ۱۸ اما اتا خال می شیمه سر جه کم نوونه. ۱۹ با مقاومت صاحب حیات ابدی وُتی.

پیشگویی خرابی اورشلیم

۲۰ وقتی بدینی سپاهيون، اورشلیم ره به محاصره در بیارده، بدونین خرابی اون نزدیک هسه. ۲۱ بعد هر کی در یهودیه ذره باید به کوهها فرار هاکنه، اونابی که در اورشلیم ذرنه اورشلیم جه بیرون بورن و اونابی که در دشت و صحرا ذرنه به اورشلیم نیهند. ۲۲ اینسه که اون روزها روزهای مکافات اورشلیم هسه که درباره اون هرچی در کتاب مقدس بنوشته بییه اتفاق کفنه. ۲۳ وای بر زندهای آبتن و مارونه شیرده در اون روزها! اینسه که مصیبتی عظیم دامنگیر اورشلیم وونه و این مردم به غضب الهی دچار وونه. ۲۴ به دم شمشیر قرار گرنه و در میونه تموم قومهای دیگه به اسیری بورد وونه و اورشلیم بدست غیر یهودیها کفنه و پایمال وونه تا زمانی که دوره غیر یهودیها به سر بییه.

بردگردستن مسیح

۲۵ نیشونه هایی در خرشید و ماه و ستاره ها پدا وونه. زمین دله مردم از جوش و خروش دریا آشفته و دلنگرون وونه. ۲۶ مردم از اونچه باید در دنیا اتفاق دکفه از ترس غش کانه اینسه که نیروهای آسمون به لرزه در ائه. ۲۷ بعد انسان ریکا ره وینه، که با قدرت و شکوه خله زیاد بر اتا ابرانه. ۲۸ وقتی اینا شروع بووهه راست ایست هاکانین و شه سرها ره بالا بیرین اینسه که شمه نجات نزدیک هسه! ۲۹ و این مثال ره ویشونسته بیارده: «انجیر دار و دارهایه دیگه ره در نظر بیرین. ۳۰ وقتی برگ دننه تونی بوینین و بفهمین که تابستون نزدیک هسه. ۳۱ همینسته هروقت بدینی، این چیزها ذره اتفاق کفنه، متوجه وونی پادشاهی خدا نزدیک هسته. ۳۲ راستی شما ره گامبه که تا تموم اینا اتفاق نکفه این نسل از بین نشونه. ۳۳ آسمون و زمین از بین شونه اما حرفهای من هیچوقت از بین نشونه.

در انتظار بردگردسته مسیح

۳۴ بهوش بوشین نکانه عیش و نوش، و مستی و گرفتاریهایه زندگی شمه دل ره سنگین هاکنه و اون روز مثل اتا دام، یکدفعه شما ره غافلگیر هاکنه. ۳۵ اینسه که این اتفاق برسر تموم مردم در همه جای دنیا کفنه. ۳۶ پس همیشه مواظب بوشین و دعا هاکانین تا بتونین از تموم این چیزها که بزودی اتفاق کفنه در امان بونین و در حضور انسان ریکا ایست هاکانین.» ۳۷ عیسی هر روز معبد دله تعلیم داهه وشوها شهر جه بیرون شیهه و کوه زیتون بالا شوره با دعا به صبح رسیده. ۳۸ صبح ها مردم برای گوش هاکارده و نه حرفها معبد دله جمع بییه.